



BUUG-YARAHHA MUWAADINKA IYO MIISAANIYADDA

2023

Wasaaradda Horumarinta Maaliyadda JSL

Wadada Madaxtooyada
Shacab Area

www.slmof.org



1. Erayga Wasiirka

Dhaqaalaha dunidu waxa uu ahaa labadii sano ee u danbaysay mid baaxaa-degaya, taasina waxa ay abuurtay caqabado soo wajaha dhaqaalaha Somaliland. Si kastaba ha ahaatee, dib-u-habaynta Maamulka Maaliyadda Dawladda ee aynu hirgelinay tobankii sano ee la soo dhaafay waxaynu ka dheefnay in aynu adkaysi u yeelano duruufaha dhaqaale, sida ka muuqata miisaaniyadeena cusub ee 2023.

Dagaalka Ukraine iyo Ruushanka ayaa abuuray saameyn caalami ah, gaar ahaan wuxuu si



ba'an u saameeyay lacagaha debedda laga soo xawilo iyo badeecaddaha la soo dejiyo kuwaas oo muhiim u ah dhaqaalaheena. Waxaana arrinta uga sii daray dabkii ka kacay Suuqa Waaheen bishii March 2022-kii, kaas oo baabi'iyey nolosha dad badan oo ganacsato ah oo ku tiirsanaa. Intaa waxaa dheer, in caqabadaha sare ku xusani ay dhaceen isla markii dhaqaaluhu uu ka soo doogayey uun waxyeeladii Covid-19.

Xukuumadda J. Somaliland waxa ay si degdeg ah uga jawaabtay caqabadahaas iyadoo samaysay miisaaniyad dheeri {kab} si loogu badhitaaro kuwa ay duruufahaasi saameeyeen. Ka sokow duruufahaas, xadiga dakhli ururintu waa uu kordhay 2022. Taasi waxay muujinaysaa sida ay bulshada Somaliland iyo dawladeenuba ugu leeyihiin adkaysi xaaladdaha adag.

Miisaaniyadda Dawladda ee 2023 oo ka badan 1.3% tii kal-hore waxa ay dhaqaale dheeraad ah ku bixin doontaa meelaha mudnaanta inoo leh qaran ahaan. Mashaariicda ugu waaweyn ee doorkan mudnaanta la siin doono waxa ku jira helitaanka biyo nadiif ah, daryeelka deegaanka iyo la tacaalida abaaraha iyo duruufaha ka dhashay doorsoonka cimilada.

Dawladdu waxa ay sii wadi doontaa fududaynta cashuur-bixinta iyada oo kastamada ka dhigaysa goobo ammaana oo karti iyo hufnaan ku shaqeeya si ay u dhiirrigeliyaan ganacsiga soo gelaya ama ka baxaya dalka. Farxad ayey ii tahay inaan idinla wadaago buug-yaraha muwaadinka iyo miisaaniyadda 2023.

Dr. Sacad Cali Shire

Wasiirka Wasaaradda H. Maaliyadda JSL

2. Maxaa Looga Jeedaa "Miisaaniyad"?

Miisaaniyad waxa aynu uga jeednaa qorshaha maaliyaddeed ee dawladda. Waxaana lagu odoroosaa sida dakhliga loo soo saari doono, iyo sida dakhligaa la saadaaliyey loogu takrifali doono ama ay dawladdu u isticmaali doonto si ay ugu dabarto baahyaheeda kharash. Miisaaniyaddu waxa ay soo koobtaa, si la taaban karana u hirgalisaa, fulinta waajibaadka dawladda, iyada oo is la markaana ah aalad ama tab muwaadinku dawlidiisa kula xisaabtami karo.

Miisaaniyaddu waxa ay dawladda ka caawisaa kala mudnaansiinta baahiyaha kala duwan ee dalka hadii ay tahay kobcinta dhaqaalaha, sugida nabadgalyada, hore-u-dhigista noloshu muwaadinka iyo arimaha la hal-maala, iyada oo la xaqiijinayo in wasaaraddaha, hay'addaha iyo waaxaha kala duwan ee masuuliyadda qaran lihi inay heleen maaliyaddii ay ku hawlgali lahaayeen.

3. Sidee Loo Diyaariyaa Miisaaniyadda?



4. Waa Imisa Miisaaniyadda 2023?

Dawladdu waxa ay ku talo jirtaa in la kharashgareeyo SISH2.530 trillion {laba dhibic, shan boqol iyo sodon tirilyan} sanadka 2023 (oo aanay ku jirin deeqaha caalamiga ah, hay'addaha dawladda ee macaashka sameeya iyo dawladdaha-hoose), taasi oo u dhiganta korodhsiimo dhan SLSh 32 billion ama 1.31% marka loo eego miisaaniyaddii kal-hore ee 2022.

Sanadkii tagay ee 2022 wuxuu ahaa sanad culaysyadiisa leh, waxa dhacay dagaalka Ukraine oo dunidaba wada saameeyey, dabkii suuqa Waaheen, iyo ka-soo-kabashadii cudurka safmarka ah ee Covid-19. Dhammaan arrimahaasi waxay u baahdeen kharash dheeraad ah.

Qoondada kharash ee ku-talo-galka miisaaniyadda 2023 waxa ay ku salaysantahay kala-mudnaansiinta qorshaha yoolasha mudada dhaw iyo kuwa mudada dheer ee Dawladda iyo sida ku cad Qorshaha Horumarinta Qaranka II {NDPII} iyo Himilada Qaran ee 2030.

5. Waa Maxay Illaha Uu Ka Iman Doono Dakhliga Miisaaniyadda 2023, iyada oo Aynu U Eegayno Sanadkii Hore Ee 2022?

Isbarbardhiga Dhakhliga

Qorshaha ku-talo-galka dakhli ee sanadkan 2023 waxa uu ka iman doonaa cashuuraha iyo illaha dakhli ee kale sida ku xusan shaxda 1aad iyo jaantuuska 1aad ee hoose:

Shaxda 1: Isbarbardhiga Illaha Dakhli Ee Miisaaniyaddaha 2022 iyo 2023.

Illaha Dakhli	Miisaaniyadda 2022	Miisaaniyadda 2023	Faraqa	% Faraqa	% Faraqa wadarta
Cashuurta Ganacsiga Caalamiga ah	1,185,087,774,357	1,198,800,112,172	13,712,337,815	1%	47%
Cashuuraha libka	804,664,152,211	860,693,920,407	56,029,768,196	7%	34%
Cashuuraha & Dakhliyada kale	245,550,716,487	273,433,646,237	27,882,929,750	11%	11%
Cashuuraha Mushaharoyinka	122,276,223,424	141,473,936,961	19,197,713,537	16%	6%
Cashuuraha Dakhliga & Macaashal-macaashka	52,874,027,856	55,934,856,085	3,060,828,229	6%	2%
Faraqa Dakhliga & Kharashka	87,159,700,185				
Wadarta Guud	2,497,612,594,520	2,530,336,471,862	32,723,877,342	1.31%	100%

Jaantuuska 1: Isbarbardhiga Illaha Dakhli Ee Miisaaniyaddaha 2022 iyo 2023.



Illaha cusub ee dakhliga

Si loo daboolo qoondada dheeriga ah ee miisaaniyadda 2023, Wasaaraddu waxa ay ka hawlgali doontaa dardargalinta iyo horumarinta ilo dakhli oo dheeraad ah, kuwaasi oo ay ka mid yihiin:

- Sal-balaadhinta ama kordhinta cashuuraha iibka ee adeegyada iyo alaabooyinka.
- Dardargalinta dakhliga cashuurta iibka alaabooyinka gudaha lagu farsameeyo, iibka adeegyada isgaadhsiinta iyo cashuurta macaashka ganacsiga.
- Kordhinta tirada kastamada Dalka.
- Kordhinta xadiga cashuuraha la saaro waxyaabaha u daran caafimaadka, sida; qaadka, sigaarka, tubaakada iyo wixii la hal-maala.



Cashuuraha dakhliyada & Macaashka
52bn SLSh

+6%



Cashuurta shaqaalaha
122bn SLSh

+16%



Cashuurta Ganacsiga Caalamiga ah
1,185bn SLSh

+1%



Cashuuraha libka
805bn SLSh

+7%



Cashuuraha & dakhliyada kale
246bn SLSh

+11%


6. Sidee Ayey Dawladdu Ugu Kala Qoondaysay Khayraadka/Haynta Qaybaha Kala Duwan?

Ku-talo-galka miisaaniyaddeed ee 2023 waxa ay mudnaan gaar ah siinaysaa wadaagayaasha {sectors} qaar, sida ku cad Qorshaha Horumarinta Qaranka. Sida ka muuqata shaxda iyo jaantuuska hoose:

Shaxda 2: Isbarbardhiga qoondada mudnaanaha kharash ee Miisaaniyaddaha 2022 iyo 2023.

Qaybaha	2022 (SLSh)	2023 (SLSh)	Faraqa	% Faraqa oo boqolay ah	% Qoondada Miisaaniyadda
Amniga	886,522,862,738	924,523,872,556	38,001,009,818	4.29%	36.54%
Maamulka	487,862,974,366	526,579,564,488	38,716,590,122	7.94%	20.81%
Dhaqaalaha	393,868,243,068	337,270,147,502	-56,598,095,566	-14.37%	13.33%
Waxbarashada	197,455,161,987	211,611,904,342	14,156,742,355	7.17%	8.36%
Caafimaadka	152,620,312,618	138,995,302,187	-13,625,010,432	-8.93%	5.49%
Mashaariicda Kale	120,692,049,506	120,318,195,876	-373,853,630	-0.31%	4.76%
Kaabayaasha	91,518,276,380	85,277,120,457	-6,241,155,923	-6.82%	3.37%
Biyaha	52,761,150,455	66,400,705,682	13,639,555,227	25.85%	2.62%
Waxsoosaarka	62,694,086,870	64,184,974,777	1,490,887,907	2.38%	2.54%
Deegaanka	35,324,238,347	40,840,250,042	5,516,011,694	15.62%	1.61%
Tamarta	16,293,238,885	14,334,433,954	-1,958,804,931	-12.02%	0.57%
Wadarta	2,497,612,595,220	2,530,336,471,861	32,723,876,641	1.31%	100%

Jaantuuska 2: Isbarbardhiga qoondada kharash ee Miisaaniyaddaha 2022 iyo 2023.



Korodhka qoondada miisaaniyadeed ee sanadba-sanad ka xiga loo astaynayo wadaagayaasha qaarkood waxa ay ka tarjumaysaa muhiimada ay mashaariicdaasi inoo leeyihiin sida:



Biyaha

Qodista balliyo & ceelal cusub; si loo yareeyo baahida biyaha

+26%



Maamulka

Miisaaniyadda maamuldaadejinta dawladda iyo ololaha aqoonsi raadinta

+8%



Amniga

Miisaaniyad dheeri ah ayaa loo qoondeeyey qaramaynta iyo xoojinta ciidamada

+4%



Waxbarashada

Qoondo dheeri ah ayaa loo asteeyey jaamacaddaha iyo dugsiyada farsamada-gacanta.

+7%



Waxsoosaarka

Kordhinta maalgelinta gaar ahaan kalluumeysiga iyo beeraha

+2%



Deegaanka

Waxa mudnaanta la siiyey daryeelka deegaanka, oo ay ku jiraan daaqa seerayaal si loo yareeyo xaalufka abaarta.

+16%



Kharashka Lama-Filaanka ah

Qoondada u diyaargarawga lamafilaanada sida abaaraha iyo cudurrada faafa.



Doorashooyinka

Iyada oo la sii wadayo geedi-socodka dimuquraadiyadda Dalka, waxa qoondo lacageed loo asteeyey doorashooyinka soo socoda.

+\$15m


7. Sidey Dawladdu U kharash-Garaynaysaa Miisaaniyadda 2023?

Miisaaniyadda 2023-ka waxa laga dabari doonaa kharashaadka meelo badan, kuwaasi oo ay ka mid yihiin mushaharka shaqaalaha dawladda iyo ciidamada, maal-galinta mashaariicda dawladda, la tacaalista xaaladaha degdega ah iyo arimaha la hal-maala. Waxaana si faahfaahsan loogu muujiyey shaxda iyo jaantuuska 3aad.

Shaxda 3: Isbarbardhiga qoonadada miisaaniyadda 2022 & 2023 iyo meelaha lagu kala bixin doono.

Kharash	2022	2023	Faraqa	% Faraqa oo boqolay ah	% Faraqa Wadarta-guud oo boqolay ah
Mushaharka	1,323,973,109,523	1,395,272,299,701	71,287,299,190,178	5.39%	55.14%
libsiga adeegyada & alaabooyinka	491,247,139,546	533,633,346,855	42,386,207,309	8.63%	21.09%
Mashaariicda horumarined	222,121,736,598	247,044,432,728	24,922,696,130	11.22%	9.76%
libsiga hantida raagta	157,791,881,605	121,891,701,121	-35,900,180,484	-22.75%	4.82%
Kharashaadka kale	82,179,616,210	80,071,657,461	-2,107,958,749	-2.57%	3.16%
Bixinta daymaha	93,404,960,317	53,515,992,300	-39,888,968,017	-42.71%	2.11%
Kaalmooyinka	46,321,939,814	50,446,939,814	4,125,000,000	8.91%	1.99%
Kababka	25,419,393,703	22,734,101,881	-2,685,291,822	-10.56%	0.90%
Sanduuqa Kaydka Qaranka	39,401,817,905	15,000,000,000	-24,401,817,905	-61.93%	0.59%
Daryeelka Bulshada	8,751,000,000	9,451,000,000	700,000,000	8.00%	0.37%
libsiga saamiga Dawladda ee fibre-ka	7,000,000,000	1,275,000,000	-5,725,000,000	-81.79%	0.05%
Wadarta Guud	2,497,612,595,220	2,530,336,471,861	32,723,876,641	1.31%	100%

Jaantuuska 3: Isbarbardhiga qoonadada miisaaniyadda 2022 & 2023 iyo meelaha lagu kala bixin doono.



8. Waa Maxay Mudnaanaha Miisaaniyadda 2023?



Amniga

- Horumarinta tayada iyo tirada hawl-wadeenada samato-bixinta iyo amniga.
- Kordhinta awoodda qalabka iyo gaadiidka gaarka ah.
- Furitaanka xarumo cusub oo ay leeyihiin dab-demisku.



Caafimaadka

- Kordhinta taageerada xarumaha hooyada & dhalaanka hada jira {MCHs}.
- Mashaariicda daryeelka caafimaadka ee Ceerigaabo and Laas-caanood.
- Kordhinta kaalmada lacageed ee Cisbitaalada Xanuunada Dhimirka.
- Mashaariicda JPLG-ga
- libka agab caafimaad oo dheeri ah.



Waxbarshada

- Dhismaha iyo qalabaynta rugo-akhris oo dheeraad ah {public libraries}.
- Yagleelida dugsiyo hoose, dhexe iyo sareba.
- Kordhinta kabka dugsiyada.
- Xoojinta dugsiyada farsamada ee hada jira iyo dhisida kuwo cusub.
- Dhismaha Jaamacaddo ay ku jiraan Jaamacadda Burco, Sheikh, Macadka Badda ee Berbera iyo Jaamacadda Al-Najax.



Biyaha , Fayodhawrka, and Caafimaadka

- Afar mashruuc oo ah biyo balaadhinta magaalooyinka Berbera, Burco, Gabiley iyo Hargeisa.
- Sii wadida shantii mashruuc ee biyo-balaadhinta magaalooyinka ee hore u socday.
- Dhismaha iyo qodista lix balay {dams} iyo lix ceel oo dhaadheer.




Deegaanka

- Lix mashruuc oo la xidhiidha seerayaasha dawladda si xaalufka loo yareeyo xiliga abaarta.
- Daryeelka duur-joogta iyo ugaadha.
- Wax ka qabashada xaaladdaha degdega ah iyo aafuoyinka dabiiciga ah.
- Dhismaha cusub ee Wasaaradda Deegaanka.
- La dagaalanka jarista dhirta iyo xaalufinta deegaanka.




Kaabayaasha

- Samaynta jidad/wadooyin cusub.
- Hirgalinta adeega boosaha.
- Kobcinta xirfaddaha IT-ga.
- Naqshadaynta qorshaha magaalooyinka Dalka.
- Qoondo dheeraad ah ayaa loo asteeyey h. madaarada.
- Dhismaha Xafiiska Hawlaha-Guud.




Waxsoosaarka

- Mashaariicda taranka iyo tarminta xoolaha.
- Mashaariicda talaalada xoolaha.
- Horumarinta kaluumaysiga.
- Mashruuca abuur-badinta iyo fidinta beeraha.
- Badqabka beeraha iyo beeralayda.
- Cilmi baadhisaha beeraha la xidhiidha.
- Seerayaasha Qool-caday, Aroori, Beer, Wajaale iyo Oodwayne



Dhaqaalaha

- Kordhinta kaydka qaranka si loogula tacaalo xaaladdaha degdega ah.
- Kor u qaadista dakhli ururinta si lacag loogu helo mashaariicda horumarineed.
- Talaabooyin dheeri ah oo ku aaden barnaamijka dib-u-habaynta (PFM).
- Curinta siyaasaddo lagu dhiirigelinayo maalgashiga ganacsiga gaarka ah
- Sii wadida barnaamijka carbiska shaqo-qaran, kaasi oo sanadkana loo qaadan doono 500 oo dhalinyaro ah.



Maamulka

- Bixinta kharashka doorashooyinka.
- Xoojinta ololaha aqoonsi raadinta.
- Mashaariicda maamul-daadejinta.



Mashaariicda Kale

- Dhismaha garoomo kubadeed oo cusub {stadiums}.
- Hirgalinta Sanduuqa Horumarinta Dhalinyarada.
- Horumarinta sportiga oo ay qayb ka yihiin qabashada wareegyo iyo liigag heer gobol.
- Sii wadida kaalmooyinka la siiyo bulshada nugul ee reer Somaliland.

9. Fududaynta Cashuur-Bixinta

Waxa mudnaan sare u leh Wasaaradda Horumarinta Maaliyadda Somaliland in muwaadinka cashuur-bixiyaha ah loo sahlo bixinta cashuuraha ku waajibey. Cashuur-bixiyaha si buuxda u diiwaangashan ee leh lambarka aqoonsiga cashuur-bixiyaha (TIN), waxa uu heli doonaa adeeg-bixin ka wanaagsan kan kale. Ganacsatadu si ay u helaan qandaraasyada dawladda, si loo siiyo kharashyada ay ku siiyeen dawladda adeeg ama alaab, ama wax ku soo dejinayaan ama wax ka dhoofinayaan Somaliland ama ayba ku cusboonaysiisanayaan liisannadooda ganacsi, waa inay haystaan sumada aqoonsiga ganacsadaha ee TIN No.

Nidaamka online-ka ah ee Wasaaradda H. Maaliyadda ayaa kuu sahlaya inaad si fudud isu diwaangaliso si aad u hesho lambarka aqoonsiga cashuur-bixiyaha (TIN No) adiga oo raacaya linkigan: www.somaliland-ird.com/taxpayer. Degelkan waxa ku jira tilmaamo dhawr ah oo faa'iido u leh cashuur-bixiyaha is la jeerkaasna hagaya.

Waana hab u saamaxaya cashuur-bixiyuhu inuu ku bixin karo cashuuraha ku waajibey. Hanaanka E-cashier ee lacagta moobilka gacanta ayaa iyana la meelmariyey-Sidaa darteed, waxa uu hadda cashuur-bixiyuhu cashuurta ku bixin karaa isaga oo ka faaiidaysanaya nidaamka online-ka ah ee cashuur-bixinta, isla markaana adeegsanaya moobilkiisa gacanta.

Wasaaraddu waxa ay horumarisay adeegyada ganacsatada leh lambarka aqoonsiga. Ganacsatadu, iyada oo isticmaalaysa maaraynta khataraha kuna dhaqmaysa qawaaniinta iyo hannaanka kastamada, waxa ay heli doonaan adeegyo dhakhso ah oo ay xoolahooda kula baxaan deg deg. Waxa kale oo ganacsatada loo fududeeyey sidii ay ku heli lahaayeen ruqsadaha dal-dhex-marka (transit permits), iyada oo tallaabooyinkii loo mari jirey la soo gaabyey.

Wixii weydiin ama tooyasho ah ee la xidhiidha sida loogu dhaqmayo hanaanka cashuur-bixinta, waxa uu cashuur-bixiyuhu garaaci karaa lambarka gaaban ee Cashuuraha-Barriga: 3535, waxa uu sidoo kale booqan karaa Xafiisyada Daryeelka-Macmiilka ama Cashuur-Bixiyaha ee Waaxaha X/Dadweyanaha, Cashuuraha-Barriga iyo Kastamada.

Wixii xog dheeraad ah ee la xidhiidha sida uu cashuurbixiyuhu u waafaqayo hannaanka iyo qawaaniinta cashuur-bixinta waxa aad booqan kartaa mareegta Wasaaradda Horumarinta Maaliyadda ee slmof.org ama som.slmof.org

Lifaaqa 1: Qaamuuska Buugyaraha

BOP	Xaashida Guud-marka Miisaaniyadda {taas oo ka kooban kharash iyo dakhli}. Waana talaabada 1aad ee geedi-socodka diyaarinta miisaaniyadda
Miisaaniyad	Qorshaha Maaliyaddeed ee Dawladda oo sanadle ah
Kharash	Qaybta kharashaadka sanadlaha ah ee Dawladda kaasi oo qayb ka ah Miisaaniyadda guud.
GST	Cashuurta libka adeegyada & alaabooyinka {Goods and Services Tax}.
JPLG	Mashruuca wadaaga ah ee maamul-daadejinta adeegyada Dawladdaha-hoose {Joint Programme for Local Government}.
NDP	Qorshaha Horumarinta Qaranka {National Development Plan}.
MCH	Xarumaha caafimaadka ee hooyooyinka & dhalaanka (Mother and Child Healthcare).
MDA	Wasaaraddaha, Hay'addaha iyo Waaxaha Dawladda {Ministries, Departments and Agencies} .
MFF	Xaalada Guud Ee Dhaqaale & Xayndaabka Maaliyaddeed ee Dalka {Macroeconomics&Fiscal Framework}.
WHM	Wasaaradda Horumarinta Maaliyadda
MTBF	Haykalka Guud ee Odoroska Dhaqalaaha Mudada-Fog {Medium Term Budget Framework}.
PFM	Barnaamijka Dib-U-Habaynta Maamulka Maaliyadda {Public Financial Management}.
Dakhli	Dakhliga Dawladda uuga soo xarooda illaha ay uugu mudanyihiin cashuuruhu {The total income received by the government, from taxes and other sources. Other sources may include borrowing and foreign aid}.
Cashuur	Dakhliga Dawladda ka soo gala cashuuraha laga qaaday shaqsiyaadka iyo sharaaiga Somaliland, si loogu dabaro arimaha danta guud.
Faraq	Faraqa u dhaxeeya dakhliga dhabta ah iyo kharashka la galay sanadkaa.

Lifaaq 2: Qoondada Miisaaniyadda Oo Hay'addaysan {By MDAs}.

Hay'adda	Miisaaniyadda 2023 (SLSh)
Ciidamada Qaranka {Xooga}	422,786,439,718
Wasaaradda Horumarinta Maaliyadda	277,606,236,457
Wasaaradda Waxbarashada & Sayniska	199,545,597,293
Ciidamada Bilayska	189,726,775,526
Qasriga Madaxtooyada JSL	142,217,802,447
Wasaaradda Horumarinta Caafimaadka	116,063,551,721
Ciidamada Illaalada Xabsiyada	82,264,104,774
Komishanka Doorashooyinka Qaranka	78,826,234,933
Wasaaradda Khayraadka Biyaha	66,400,705,682
Golaha Wakiilada	60,148,309,937
Wasaaradda Gaadiidka & H. Jidadka	51,309,921,499
Wasaaradda Arimaha Gudaha	48,808,706,435
Wasaaradda Difaaca	48,186,810,851
Maxkamaddaha Hoose	47,086,191,008
Wasaaradda Warfaafinta & Wacyigalinta	46,672,705,099
Wasaaradda Arimaha-Debedda & Iskaashiga Caalamiga ah	45,860,471,643
Golaha Guurtida	41,314,230,944
Wasaaradda X. Xoolaha & H. Kaluumaysiga	38,688,689,360
Ciidanka Illaalada Madaxtooyada	34,835,315,083
Hay'adda Sirdoonka	32,336,827,320

Ciidanka Illaalada Xeebahaha	28,998,508,258
Wasaaradda Arimaha-Deegaanka & Isbedelka Cimilada	24,936,731,130
Wasaaradda Dhalinyarada & Ciyaaraha	23,117,359,581
Wasaaradda Horumarinta Beeraha	22,738,662,006
Wasaaradda Ganacsiga & Talxiiska	21,009,972,569
Wasaaradda Shaqada, Qoyska & Arimaha-Bulshada	20,549,305,317
Laanta Socdaalka	19,846,784,178
Ciidamada Dab-Demiska	19,016,306,848
Wasaaradda Diinta & Awqaafta	19,003,510,495
Wasaaradda Hawlaha-Guud & Guriyeynta	18,301,720,580
Wasaaradda Iskaadhsiinta & Tiknoolajiyadda	15,665,478,378
Hanti-Dhawrka Guud	15,429,632,838
Hay'adda Shaqaalaha Dawladda	14,254,208,081
Wasaaradda Qorshaynta & Horumarinta	14,182,416,453
Wasaaradda Cadaaladda	14,023,289,331
Wasaaradda H. Maalgashiga	12,705,486,704
Komishanka Tacliinta-Sare	12,066,307,049
Komishanka Tayo-Dhawrka Qaranka	11,755,676,947
Hay'adda Diyaargarawga Aafooyinka & Kaydka Raashinka	11,740,944,186
Wasaaradda Dastuurka & Xidhiidhka Golayaasha	11,692,566,387
Wasaaradda Macdanta & Tamarta	11,457,659,306
Xafiiska Xeer-Ilaaliyaha Guud	11,076,438,510
Maxkamadda-Sare	10,905,747,166
Hay'adda Qaxoontiga & Barakacayaasha	8,539,773,331
Komishanka Xakamaynta HIV/AIDS	8,115,597,492
Macadka Shaqaalaha Dawladda	7,560,049,146
Kamishanka Maamul-Wanaaga	6,133,329,691
Xafiiska Garyaqaanka Guud	6,038,606,783
Gudiga Qandaraasyada	5,920,797,875
Komishanka Xuquuqal linsaanka	5,443,740,218
Wasaaradda Horumarinta Reer-Miyiga	4,162,574,726
Gudida Diwaangalinta Ururada	3,965,807,878
Hay'adda Caymiska Qaranka	3,615,584,816
Komishanka Mihnadlayaasha Qaranka	3,060,476,027
Komishanka Tamarta	2,876,774,648
Xarunta Cilmibaadhista Beeraha	2,757,623,410
Jimciyadda Sooyaal	2,435,542,052
Gudiga Dib-U-Habaynta Shuruucda	2,320,201,112
Hay'adda Aaga Ganacsiga Cashuuraha-ka-caagan	2,229,652,628
Wadarta Guud	2,530,336,471,858



Wasaaradda Horumarinta Maaliyadda

Wadada Madaxtooyada, Sha'ab Area
Hargeisa, Somaliland

**slmof.org ama som.slmof.org
info@slmof.org**

FOLLOW US

